

شايكفك وطن



وشك في وشي

رغم الطريق لساہ بيمشي

حسب الظروف

هنا أو هناك

وانا لسه باتعافى وبامشي

وساعات باطوف

واشمعنى انا شايكفك ملاك؟!!

حاسك صلاة من غير آدان

حاسك إمام

رغم البعاد اللي اتفتح حواليه ببيان

ساعات فرح وساعات خصام

حاسك معاني مرقصة فيا الكلام
حاسك ولي بيوفي ندره للزمان
ع الأرض نذك مبتسم
صورتك جميلة.. مزينة فيا الحيطان
وشك بريشتي بيترسم
فيه ضحكة.. بوصلة موجّهاني للفرح
فارشة لي ساحات الغنا
موال بصوت المنشدين
تسابيح قلوب.. من غير سبّح
وربابة لامة المغرمين
يا مضيّفة ضي القمر
يسهر في حضن السهرانيين
صوتك أغاني.. والدعا هز الوتر

عطرّ أماتي السوسنة

خلّاها تسجد للقدّر

سجدة رضا م العاشقين

ما انا أصلي حاسك صوت حمام

عايش في أبراج الخجل

عمال يرفرف ع الشجر

مستني أغصان الأمل

تطرح لقا.. تطرح سلام

حاسك طيور جنة زمن

جاية تفرّق فرحها ع المحرومين

شايفك وطن

لامم عيال متغريين

شايفك دفا.. في سنين جفا

حاسك وفا

لامم في حضنه المجروحين

لحظة صفا

دعوة غريب هدّه الطريق

كل الطيور قالت آمين